

RICHARDI SANCTI VICTORIS OPERUM PARS TERTIA.

EPISTOLÆ ET MISCELLANEA.

EPISTOLA PRIMA.

(*Epist. S. Thomæ Cantuar. edit. GILES. t. II, p. 200.*)

ERNISII ABBATIS ET R. PRIORIS S. VICTORIS PARIS.

AD ROBERTUM HEREFORDIENSEM.

ROBERTO Herefordensi episcopo, ERNISIUS abbas, et R. prior Sancti Victoris Parisiensis.

Magnam de promotione vestra concepit Ecclesia nostra lætitiam, et spe non modica hilarati sunt auditores yestri, tum universi scholares animati ad amorem litterarum, et cultum virtutum, yestri laboris et successus exemplo. Nos autem idcirco gavisi sumus quia vos præ cæteris amabamus et Ecclesiam Anglorum, quam præter charitatem, quam habemus ad omnes Ecclesias, quadam speciali affectione, natura suadente, diligimus, vestra confidemus eruditio proficere, et religione provocari ad divinæ legis cultum, et contra adversa roborari vestræ prædicationis officio, et virtutis exemplo. Nunc autem supra modum dolenus, quod neque desideria nostra de vobis impleta sunt, nec preces nostras pro vobis Dominus exaudivit. Et utinam essent aures vestræ ad ora scholarium et religiosorum suspiria audiretis, ut sic erigeretur spiritus vester, qui divitiarum pondere dicitur opprimi, et amore episcopandi, et deliciarum affluentia infirmari. Nam, ut aiunt illi, confirmaverunt vos divitiae, quas in schola et frequenti verborum commercio consuevistis eanigenas appellare. Speciosum tunc depingebatis episcoporum verbo, quem ex voto nostro doctrina nunc exprimeretis et vita. Nunquid tunc fungebamini vice cotis,

..... acutum
Reddere quæ ferrum valeat, exsors ipsa secandi?
FLORAT. Ars. poet. v, 304.)

Mirum est si non tinniunt aures vestræ a confabulatione scholarium, detractione æmolorum, et amicorum querelis. Adversus patrem vestrum et consecratorem, eumdemque pro justitia, et libertate Ecclesiæ exsularem, nuper appellastis eum aliis, qui subversionem justitiae querunt et suam eversionem, et ponendo eum impiis portionem, unde vehementer dolemus, famam vestram plurimum denigrastis. Nunquid enim litteras appellatorias non vidistis, quas episcopi ad archiepiscopum suum transmisserunt? Certe si non vidistis, stultum fuit, ut pae*D* vestra veritatem loquatar charitas, non examina-

A tum de re tanta, et quæ ad Ecclesiam Romanam perferenda est, signare testimonium. Si autem vidi-
stis eas, qua conscientia, qua fronte, ausi fuistis
asserere, et ut scribitis, cum omni fiducia prædi-
care, quod falsum esse novit, non modo vicinia tota,
sed fere Latinus orbis? Prædicatis enim, quem sic
scribitis, et ut de vestra potissimum utatur auctoritate,
signatis scripturam cum episcopo Londoniensi,
quod rex vester, etsi interdum ut homo deli-
querit, omnes excessus suos corrigere paratus est,
et in omnibus obtemperare justitiae, et si non cre-
datur ei, etiam satisfactionem offert, et adjicxit:
*Quoniam diligit corripientes se, et increpantes liber-
ter auscultat.* Sed qui hoc verum esse putat, quid
credet esse falsum? Noti sunt enim mores hominis,
ut vos talia prædicantes oporteat querere peregrinum,
sed extra Latinum orbem. Vos autem qui justitiam
ejus astruitis, quam innocentiam allegatis in cœ-
ctione mulierum, et parvolorum innocentium pro-
scriptione? Sed hæc, et his similia Dominus judi-
cabit, et facientem, et consentientes pari poena
percellet. Cogitate interim quam sententiam tune
accepturi sint episcopi, qui modo tantis patroci-
nantur injuriis. Hæc sincera eharitate, dulcissime
Pater, scrupulosus vobis, ut memineritis doctrinæ
vestræ, officii vestri, desiderii nostri, et divini ju-
dicii, ut redimatis famam vestram, et Ecclesiam,
quæ in manibus vestris collabitur, studeatis eri-
gere. Vestri suimus, sumus vestri, et Deo propitio,
semper erimus prompti ad honorem et obsequium
vestrum.

EPISTOLA II.

PRIORIS S. VICTORIS PARIS. ET R. ABBATIS S. AUGU-
STINI AD ALEXANDRUM PAPAM.

(*Ibid.*)

ALEXANDRO papæ, prior Sancti Victoris et R...
abbas quondam S. Augustini.

Sanctis viris, etc. — *Vide in Alexandro III.*

EPISTOLA III.

WILLELMI PRIORIS URSICAMPY (4^a) AD RICHARDUM

PRIOREM S. VICTORIS:

Petit aliquod ex ejus opusculis describendum.

(*MARTENE, Ampl. Collect., VI, 235.*)

Dilecto suo domino RICHARDO, priori de S. Victore,
fratre Willelmus, dictus prior Ursicampi, salutem in
Domino.

Libelum vestrum quem remitti vobis mandasti

(^a) Ursicampus, insigne monasterium ordinis Cisterciensis, anno 1129 fundatum.

ego ipse reportavi in quadragesima; sed quoniam A pliciter reddat obligatum; et ut cumulato astutus non eratis apud S. Victorem, fratri Hugoni • surgam gaudio, aliquid mihi voluntatis vestrae dilectio vestra remandet, quo mei experimentum capiat amoris. Valete.

EPISTOLA VII.

EJUSDEM AD EUDEM.

Venerabili amico suo et merito honorabili Ric. priori de Sancto Victore, suus G. prior ecclesie S. Albani, salutem et affectum debitae dilectionis.

Quia fratris mei M. qui in partibus vestris amore scientiae peregrinatur, tam singulari gratia, tam peculiari liberalitatis prærogativa proventum curastis, gratias habeo dilectioni vestrae: nec quid amoris et obsequii vobis animus meus promittat, mutu facile valebunt apices explicare. Sed utinam eveniat, ut quo vos amplector affectu, operis executio viva voce loquatur! Quomodo enim benignitatem, quam sibi a vobis collatam memoratus Matthæus prædicat, ab eminentia vestra possem sperare, a qua prorsus nihil merui? Cerno siquidem plane quam amatorium illud Catonis tenaci memorie prudentia vestra commandaverit: Si vis amari, ama. Restat igitur ut, quod tam fertili principio inchoastis, talari supervestire velitis tunica. Mibi autem cisi recompensandi desit effectus, non deerit tamen affectus. Hocque modicum munus non pro munere, sed ad amoris indicium vobis transmitto, vicissim postulans ut scriptorum

C vestrorum mibi rescripto occasione inventa nomina innotescant. Ego autem curabo, ut si exemplaria non desint, scientiae vestrae thesauro Anglia nostra resplendeat.

EPISTOLA VIII.

EJUSDEM AD EUDEM.

Venerabili fratri et amico R. priori de Sancto Victore, Fr. S. humilis minister Ecclesie Sancti Albani, salutem et debitum sinceræ dilectionis obsequium.

Opuscula magistri Hugonis, quæ in partibus nostris undecunque quæsita reperire potuimus, summo studio et exactissima diligentia sicut tantæ venerationis scripta collegimus, et ex eis plurima in volumina nonnulla redigimus. Quoniam autem ex memorati viri tractatibus aliquot apud vos contineri, quæ in partibus cismarinis aut omnino non sunt, aut adhuc in Anglia nostra rarescant, comperta relatione, didicimus, lateri præsentium corum quæ penes nos habentur notulas compendiosas tradidimus. De vestra nimirum charitate confisi, quod in opera sibi commissa in oculis vestre sinceritatis nostro debeat interventu gratiæ plenitudinem obtinere. Sanctitatem igitur vestram obnixe rogamus ac petimus, quatenus memorato præsentium latori tractatus magistri Hugonis inspiciendi copiam, ob reverentiam beati Albani et nostræ precis infinitu benigne, si placet, indulgeatis; et ut eos quos

EPISTOLA IV.

G. PRESBYTERI ANILCURENTIS AD RICHARDUM PRIOREM
S. VICTORIS.

Petit ab eo Passionem sive lectiones novem de S. Victore, inserendas in Breviario.

(MARTENE, ibid.)

G. Dei gratia Anilcurentis Ecclesie presbyter, dilecto fratri suo R. venerabili priori Ecclesie S. Victoris Parisiensis, salutem.

Mandamus atque rogamus dilectionem vestram quatenus passionem B. Victoris, quæ apud nos nou invenitur, vel novem lectiones de ipsa passione transcriptas per præsentium latorem nobis mittatis. Seribimus enim quendam librum, quem Breviarium vocant, cui eas inserere dignum duximus. Vale.

EPISTOLA V.

G. (5) AD RICHARDUM PRIOREM S. VICTORIS.

Cupit rescire quid cum rege et abbe S. Germani egredit pro suo negotio.

(MARTENE, ibid., col. 237.)

Charissimo suo RICHARDO venerando priori S. Victoris, humiliis frater G., salutem eamdem quam sibi.

Si iter prosperum a nobis ad propria babuistis, si gratiam in conspectu regis invenistis, si recte ac prospere apud dominum abbatem, si abbatem S. Germani super negotio nostre convenistis, per præsentium latorem nobis significare non gravetur dilectio vestra. Salutate nobis dominum abbatem, qui humilitatem nostram non solum ad obsequendum, sed ad obedientium in quibus sibi placuerit promptam inveniet. Salutate nobis dominum Rogerum abbatem Augensem, charissimum nostrum.

EPISTOLA VI.

G. PRIORIS ECCLESIE S. ALBANI AD R. DE S. VICTORE. D

DUCHESNE, *Scrip. franc.*, IV, 747. sequentes ex eodem fonte procedunt.)

Venerabili domino et amico magistro R. priori de Sancto Victore, suus G. prior Ecclesie Sancti Albani, salutem et sinceræ dilectionis integratatem

Habeo vobis gratias, quantæ sunt indicibiles, quod gratia vestrae fratri meo Math. tam copiosus fructus arrisit, metiorque ex illis impensis quanta vobis debeat latorem præsentium nepotem meum securitate commendare. Precor igitur ut benignitas quæ in altero processit, se ad utruunque extendat et geminata charitas me vobis multi-

(5) Guillelmus, ut opinor, canonicus S. Genovesæ

apud nos non haberi conpererit, commodius quo- A modocunque exscribi faciat, precamur ut ei in praesenti negotio vestri consilii simul et auxili gratia respectus fraternalis charitatis aspiret. Valete.

EPISTOLA IX.

M. AD RICHARDUM.

Domino R. Dei gratia priori Ecclesiae Sancti Victoris, suus M., ad quam potius affectat bilariter ascendere salutem.

Inter ea quae in domo vestra depositi, sunt duo linteamina et duo mantilia quorum usu nunc extat mihi opus. Quare vestra id benignitas efficiat ut utraque a se invicem discernantur, et alterum linteaminum, quod calcatura caret, cum altero quoquo quod recentius est manutergiorum per hunc amicum nostrum fratrem Walterum mihi transmittatur. Reliqua vero simul posita in custodia vestra sicut prius habeantur, donec ego ad vos veniam. Venerabili amico vestro priori Sancti Evurtii, et huic præsentium latori Fratri Waltero gratias habeatis, qui pro veneratione vestra plura mihi parati sunt exhibere quam velim ab eis gratis accipere. Vale perpetuo in Christo Iesu Domino nostro. Ubique terrarum existam, vester sum, cupiens vestrae voluntati morem gerere, liberalitatique deseruire. Quod res ipsa, Deo annuente, explicabit, si quando tempus futurum nobis obsequendi vobis locum conciliaverit.

EPISTOLA X.

EJUSDEM AD EUDDEM.

Domino R. Dei gratia priori Sancti Victoris, suus M., ad quam veritatis via perducit salutem.

Successus sui aperit indicia quisquis horum inititur gratiae, quorum promeruit amicitias. Quorum enim sibi quisque conciliavit affectus ex meritis,

corundem jure, prout honestati tamen congruit fungitur officiis. Ego itaque non hoc calle in amicitias vestras deductus, qua benignitas in vobis insita mihi præmonstravit accessus, ad gratiam vestram gratis intravi. Dum enim bonitatis vestrae statum recolo, mibi liquido innotescit liberalitatem vestram, prout decet ac expedit, cunctis patere. Quare, ut excellenti vestrae consuetudini morem suum geram, charitatis vestrae magnificentiam convenio, quatenus penes vos locum mihi quempiam placidi affectus piisque desiderii patere concedatis. Super amicitia domini Walteri prioris Sancti Evurtii, multimodas grates vobis refero. Si quid vobis placuerit, per hunc nuntium meum amico vestro priori Sancti Albani mandare poteritis. Valete. Si qui amicorum vestrorum manent in locis, per quae hic puer iter habebit, precor vestra eum ad eos transmittat, ne injurias ei fieri in via patientur. Perpetuo valete.

EPISTOLA XI.

G. PRIORIS S. ALBANI AD RICHARDUM.

Venerabili amico, et merito honorabili Ric. priori de Sancto Victore, G. prior ecclesiae Sancti Albani, salutem et debitæ dilectionis affectum.

Quia petitiones meas jam pridem curæ vestrae delegatas diligenter prosequi studuistis, præsentem cæteris securus adnecto. Precibus igitur meis, ut mos vester permittit, inflectimini, et latorem præsentium fratrem meum M. suscipiat dilectio vestra C meo intuitu commendatum, et in quo necesse habuerit ei vestrum astipuletur consilium, ut vobis habeam multiplices gratiarum actiones. Munusculum, quod vobis ex parte mea porrigendum transmisi, dignanter vestra dilectio suscipiat, et potius mittentis affectum quam missi attendite parvitatem. Valete.

DE ERUDITIONE HOMINIS INTERIORIS

LIBRI TRES.

Occasione accepta ex somnio Nabuchodonosor apud Danielem.

LIBER PRIMUS.

CAPUT PRIMUM.

De mystico somnio regis Nabuchodonosor, et summa intentionis totius operis.

Quid illud Nabuchodonosor somnium juxta litteram designet, potissima illa Danielis expositio docet. Sed displicere non debet, si tropologica discussio ex eadem materia eliciat quod ad veritatis scientiam, vel morum disciplinam lectorem addiscet. Ut ergo summa intentionis ejus paucis perstringam,

D videtur propheta hoc loco ex mystica visione designare quomodo viros virtutum contingat paulatim defluere, et quibusdam detrimentorum gradibus in imo corruere, et per visitantem gratiam quandoque ad pristinam, vel potius potiorem animi statum resurgere. Haec autem permutationis corruptela, vel reparationis medela accidere utique solet in ultraque vita, tam activa videlicet quam contemplativa. Utriusque, ni fallor, in hac una visione typus ex-